



UGOVOR

o javnoj nabavci rezervnih dijelova za elektronske korektore, flow computer i telemetrijski sistem

Ugovorne strane:

KJKP Sarajevogas d.o.o., Sarajevo, ul.Trg Fadile Odžaković Žute, 4, 71000 Sarajevo
Koga zastupa: Direktor Preduzeća Mr.sc.Nihada Glamoč, dipl.ing.maš. (u daljem tekstu: Kupac)

UNIS FAGAS d.o.o., Sarajevo, ul.Rajlovačka bb, 71000 Sarajevo
Koga zastupa: Direktor Alen Gradašević, (u daljem tekstu: Prodavac)

Član 1.

Predmet ovog Ugovora je isporuka rezervnih dijelova za elektronske korektore, flow computer i telemetrijski sistem u 2018. godini po provedenom konkurentskom postupku nabavke broj KN 05-14/18. Prodavac je dostavio ponudu prema Obrascu za cijenu ponude Kupca, Aneks III, koji je priložen ovom ugovoru i predstavlja njegov sastavni dio.

Član 2.

Ugovorna vrijednost robe iz člana 1. ovog ugovora bez PDV-a iznosi: **KM 24.997,00** (slovima: dvadesetčetirihijadedevetstodevedesetsedam KM). Jedinačne cijene su fiksne i neće se mijenjati u toku realizacije ovog ugovora.

Član 3.

Prodavac će robu iz člana 1. isporučiti u roku 60 dana od prijema narudžbe Kupca. Ugovorne strane su saglasne da se kvalitativni i kvantitativni prijem isporučene robe izvrši u skladištu Kupca. Komisija će za svaku pojedinačnu isporuku sačiniti Zapisnik o kvantitativnom i kvalitativnom prijemu robe.

Član 4.

Prodavac će fakturisanje isporučene robe vršiti po jediničnim cijenama iz Obrasca za cijenu ponude priloženog uz ovaj ugovor. Kupac će plaćanje izvršiti na transakcijski račun naznačen na fakturi Prodavca u roku od 30 (trideset) dana od prijema robe i prijema uredno ispostavljene fakture.

Član 5.

Obaveza Prodavca je da isporuku robe izvrši u roku, količini i kvaliteti kako je ugovoreno, uz obavezno dostavljanje prateće atestno tehničke dokumentacije za isporučenu robu. Ukoliko se Prodavac ne bude pridržavao odredbi preciziranih ovim ugovorom, Kupac zadržava pravo da predmetnu robu vrati na teret Prodavca uz naknadu prouzrokovane štete.

Član 6.

Kupac i Prodavac se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumijevaju se slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorene strane, niti se objektivno mogu predvidjeti, a sprečavaju jednu ili obje ugovorne strane.

Član 7.

Prodavac nije ovlašten da zaključuje podugovore sa drugim licima u cilju realizacije ugovornih obaveza bez predhodnog pismenog odobrenja Kupca.

Član 8.

Ukoliko se Prodavac ne bude pridržavao odredbi utvrđenih u članu 3 ovog ugovora, Kupac zadržava pravo da zaračuna penale u iznosu od 1% za svaki dan kašnjenja, ali tako da cjelokupan iznos penala ne može biti veći od 5% ukupne vrijednosti ugovora.



Član 9.

Ukoliko Kupac u ugovorenom roku iz člana 4. ovog ugovora ne plati cijenu za isporučenu robu obavezan je Prodavcu isplatiti i zateznu kamatu u skladu sa zakonom i drugim propisima koji uređuju ovaj institut.

Član 10.

Ovaj ugovor se zaključuje na period od 1 (jedne) godine počev od dana potpisivanja isporuke. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu pismeno sa otkaznim rokom od 30 (trideset) dana.

Član 11.

Ugovorne strane su saglasne da Prodavac neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bila angažovana kao članovi ili stručna lica u Komisiji za nabavke nadležnoj za codjelu navedenog ugovora o javnoj nabavci.

Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.

Član 12.

Na sve odnose i institute koji nisu navedeni u ugovoru, a pojave se prilikom realizacije, primjenjivat će se odgovarajuće odredbe Zakona o obligacionim odnosima.

Član 13.

Ovaj Ugovor stupa na snagu danom potpisivanja od strane obje ugovorene strane, a sastavljen je u 4 (četiri) istovjetna primjeraka, od kojih svaka ugovorna strana zadržava po 2 (dva) primjerka.

Član 14.

Sve nesporazume do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavat će nadležni sud u Sarajevu.

Za Prodavca:

Direktor




Alen Gradašćević



Za Kupca:

Direktor Preduzeća



Mr. sc. Nihada Glamoč, dipl. ing. maš.

Izvršni direktor

Mr. Mehmed Mehović, dipl. oec.

Broj i datum ugovora, _____

026/18
11.05.2018.

Broj i datum ugovora, _____

117/18
08-05-2018